



## **Npaj Txhij Rau Cov Tsev Kawm Ntawv, Kev Nyab Xeeb Rau Cov Neeg Kawm: Kev Ntsuas Tus Kab Mob Khaus Viv-19 (COVID-19) Rau Hauv Zej Zos**

Kev rov qab mus kawm ntawv tim ntsej tim muag yog lub hom phiaj tseem ceeb tshaj plaws ntawm Oregon, thiab suav nrog kev kev npaj nyab xeeb rau peb cov me nyuam kawm ntawv thiab cov neeg ua hauj lwm tim tsev kawm ntawv, nrog rau cov tsev neeg rau thaum lawv rov qab tuaj txhua hnuv. Cov tsev kawm ntawv yuav tsis muaj kev npaj qhia ntawv rau cov me nyuam yaus hauv Oregon kom tau raws li lawv siab xav xwb, tab sis cov tsev kawm ntawv tseem yuav npaj kev pab txhawb kom lawv tau sib ntsib sib tham/sib tawm tswv yim ua ke, pab khoom noj haus zoo, thiab saib xyuas kom lawv tau txais kev saib xyuas mob nkeeg nrog tib si. Txawm tias lub tsev kawm ntawv no yuav muab kev qhia ntawv tim ntsej tim muag los sis tsis yog los xij, nws yuav saib raws li ntau feem tseem ceeb. Feem tseem ceeb tshaj plaws ces yog kev sib kis ntawm Tus Kab Mob Khaus Viv-19 (COVID-19) rau hauv peb cov zej zos. Cov tsev kawm ntawv tsis muaj peev xwm qhia ntawv rau tim tsev kawm ntawv tau kom mus txog thaum muaj kev nyab xeeb lawm, thiab peb tsis muaj peev xwm npaj tau tias yuav thaum lub sij hawm twg. Raws li Dr. Anthony Fauci tau hais tias, “tus kab mob vais lav yog tus npaj lub sij hawm.”

Tus Kab Mob Khaus Viv-19 (COVID-19) ua rau pom tias tsis muaj vaj huam sib luag tshwm sim los lawm ntev rau hauv Oregon. Cov neeg cev nqaij tsos xim yog cov raug cuam tshuam ntau tshaj plaws los ntawm tus kab mob no. Kev kaw cov tsev kawm ntawv thiab kev hloov mus rau kev kawm ncuu deb rau thaum lub caij nplooj ntoos hlaw no yeej tau cuam tshuam rau qee cov tsev neeg lawm. Piv txwv li, qee cov me nyuam kawm ntawv tsis muaj peev xwm mus koom tau tag nrho vim lawv tsis muaj is taws nev. Qee cov niam txiv thiab cov neeg zov me nyuam muaj teeb meem txog kev nrhiav chaw zov me nyuam thaum lawv yuav rov qab mus ua hauj lwm rau sab nrauv. Kev kawm ncuu deb yog ib qho nyuaj rau cov me nyuam kawm ntawv thiab rau qee cov me nyuam kawm ntawv uas tsis taus (xiam oob qhab). Tej kev txiav txim siab yuav tsis yog lub hauv paus ntawm kev muaj vaj huam sib luag. Vim Oregon yeej tau npaj tiv thaiv kis muaj xwm kub ntxhov rau tim tsev kawm ntawv rau thaum lub caij nplooj ntoos zeeg no lawm, cov tsev kawm ntawv yeej muaj lub sij hawm los npaj tej yam tseem ceeb thiab nqis peev pab txhawb ntxiv rau cov me nyuam kawm ntawv uas tsis raug pab thiab cov me nyuam uas raug cuam tshuam los ntawm kev kaw tsev kawm ntawv rau thaum lub caij nplooj ntoos hlaw no.

- Tam sim no cov tsev kawm ntawv muaj peev xwm npaj ua ntej txog Kev Kawm Ncuu Deb thiab yuav npaj pab txhawb rau qhov ua tseem qhia tau zoo thiab saib xyuas kom muaj vaj huam sib luag tau raws li lub siab xav ntawm cov me nyuam kawm ntawv thiab cov neeg ua hauj lwm;



- Cov me nyuam kawm ntawv yuav tsum mus kawm tau raws li cov qauv qhia ntawv, kawm tau raws li tej ntawb ntawv ntawm qeb kawm; thiab
- Cov me nyuam kawm ntawv yuav tau sib txuas lus hnuv hnuv nrog ib tus xib fwb los sis ntau ntau tus xib fwb uas yog cov yuav los qhia ntawv rau lawv.

Kev Kawm Ntawv Ncua Deb kom mua raw sli cov cai hauv lub xeev thiab tsoom fww, thiab npaj lwm cov kev pab txhawb rau kev puas siab puas ntsws, kev nyob nrog sawd daws, thiab kev tej kev xav, nrog rau kev koom tes los ntawm tsev neeg.

### **Muaj Kev Phom Sij Tsis Zoo**

Kev qhia ntawv tim ntsej tim muag yog kev muaj phom sij tsis zoo los qhov yuav sib kis tau Tus Kab Mob Khaus Viv-19 (COVID-19). Kev rov qab qhib cov chaw zawv plaub hau, chaw noj mov thiab tej chaw tuaj sib sau ua ke coob leej yuav ua rau muaj kev phom sij kis tau kab mob tau zoo ntxiv tuaj. Pom tias kev kaw cov tsev kawm ntawv tuaj yeem tiv thaiv neeg tuag los ntawm Tus Kab Mob Khaus Viv-19 (COVID-19) tau txog 2-4%<sup>1</sup>, tsawg dua qhov kev caiv nyob kom sib nrug deb. Txawm li cas los xij, thaum Lub Xya Hlis Ntuj Tim 13, 2020 [muaj ib qho kev tshawb fawb](#)<sup>2</sup> los ntawm Institute for Disease Modeling, Bellevue, Washington raug nthuav qhia rau peb tias, **kev sib kis mob rau hauv zej zos muaj tsawg zuj zus lawm, kev rov qab qhib cov tsev kawm ntawv qhia ntawv tim ntsej tim muag, nrog rau kev tiv thaiv xws li caiv lub cev nyob kom sib nrug deb thiab rau cov ntaub npog ntsej muag los yeej tseem ua rau muaj kev sib kis kab mob tau ntau zuj zus thiab.** Thaum lub Rau Hlis Ntuj 2020 [muaj ib qho kev tshawb fawb](#)<sup>3</sup> los ntawm REL Mid-Atlantic pom tias kev rov qab qhib tsev kawm qhia ntawv tim ntsej tim muag, “...yuav ua rau muaj kev sib kis tus kab mob siab ntxiv rau ntawm cov me nyuamyaus, cov xib fwb qhia ntawv thiab cov neeg pab txhawb, txawm tias yuav muaj kev tiv thaiv zoo uas muaj peev xwm pab txo kom txhob muaj kev sib kis kab mob ntau los xij.” Kuj pom rau hauv qhov kev tshawb fawb no tias feem tseem ceeb tshaj plaws yog yuav tsum tau rov qab mus qhia ntawv tim ntsej tim muag, “...feem puas kev sib kis kab mob rau hauv lub zos, qhov loj me ntawm ntawm lub tsev kawm ntawv, thiab tej hnuv nyoog ntawm cov me nyuam kawm ntawv (thiab rab peev xwm pab kev kawm rau tim tsev).”

Cov ntaub ntawv tshiab nthuav qhia pom tias cov me nyuam yaus hnuv nyoog qis dua 10 xyoo yuav kis tus kab mob vais lav tau tsawg dua, muaj mob tsawg dua thaum lawv kis Tus Kab Mob Khaus Viv-19 (COVID-19) thiab zoo li yeej pom muaj kev sib kis tus kab mob vais no tsawg rau dua rau cov me nyuam yaus loj los sis cov neeg loj. Txawm li cas los xij, tej kev npaj qhia ntawv tim ntsej tim muag, peb yuav tsum tau xav txog kev nyab xeeb ntawm cov neeg ua hauj lwm vim lawv yog cov muaj kev phom sij kis tau kab mob tau thiab muaj pheej hmoo yuav ua rau muaj mob loj tau vim lawv muaj hnuv

<sup>1</sup> Tej Ntaub Ntawv Hais Txog Kev Noj Qab Haus Huv Ntawm Cov Neeg Hluas. 2020 Lub Tsib Hlis Ntuj;4(5):397-404.

<sup>2</sup>[https://covid.idmod.org/data/Schools\\_are\\_not\\_islands\\_we\\_must\\_mitigate\\_community\\_transmission\\_to\\_reopen\\_schools.pdf](https://covid.idmod.org/data/Schools_are_not_islands_we_must_mitigate_community_transmission_to_reopen_schools.pdf)

<sup>3</sup> <https://ies.ed.gov/ncee/edlabs/regions/midatlantic/pdf/ReopeningPASchools.pdf>



nyoog laus thiab muaj lwm yam kev phom sij nrog, [raws li tej ntaub ntawv hais los ntawm lub chaw CDC](#)<sup>4</sup>.

### **Yuav Rov Qab Qhib Tsev Kawm Ntawv Tau Zoo Li Cas**

Ntau lub teb chaws yeej rov qab qhib cov tsev kawm ntawv tag lawm. Lawv yeej tau ceev faj kawg nkaus li, thiab tsuas qhib tau thaum uas muaj cov neeg tshiab kis kab mob tsawg thiab thaum muaj kev kuaj ntsuas Tus Kab Mob Khaus Viv-19 (COVID-19) tau sai thiab muaj ntaus lawm thiab muaj kev cais cov neeg muaj tus kab mob tawm mus nyob ib leeg thiab muaj kev soj qab xyuas raug cov neeg uas tau nyob ze rau tus neeg raug tus kab mob.

Lub Chaw American Academy of Pediatrics yeej tau pom zoo kom rov qab qhib tsev kawm ntawv dua tshiab, tab sis tsuas qhib tau rau thaum muaj kab mob sib kis tsawg lawm xwb thiab muaj kev tiv thaiv zoo txaus. Muaj kev caiv lub cev nyob kom sib nrug deb, rau cov ntaub npog ntsej muag thiab tswj kav kev sib kis ntawm tus kab mob thiaj li yuav pab txhawb kom muaj kev nyab xeeb tau rau thaum rov qab qhib kev kawm ntawv tim ntsej tim muag rau cov me nyuam kawm ntawv thiab cov neeg ua hauj lwm.

Ntxiv rau ntawm cov kev tiv thaiv Tus Kab Mob Khaus Viv-19 (COVID-19) tsis ntev los no, kev rov qab qhib kev qhia ntawv tim ntsej tim muag kuj yuav tsum tau xav txog ntau feem hauv zej zos xws li puas tau muaj kev kuaj ntsuas tus kab mob, rab peev saib xyuas kev noj qab haus huv thiab kev npaj txhij los ntawm cov neeg saib xyuas kev noj qab haus huv ntawm tsoom fwv txhawm rau sib koom tes tiv thiaiv kev sib kis ntawm Tus Kab Mob Khaus Viv-19 (COVID-19) rau tim cov tsev kawm ntawv.

Peb yuav tsum cia txhua feem los koom tes nrog. Kev qhib cov tsev kawm ntawv qhia ntawv tim ntsej tim muag kuj tsis yog yuav muaj ib txoj kev taug no nkaus xwb. Yog muaj cov neeg kis mob tshwm sim rau hauv cov zej zos, cov tsev kawm ntawv yuav tsum tau rov qab Mus Kawm Ntawv Ncuab Deb dua lawm txhawm rau txo kom txhob muab kev sib kis mob. Kev mob siab caiv lub cev nyob kom sib nrug deb, kev rau cov ntaub npog ntsej muag, kev ntxuav tes, thiab kev txhob mus koom nrog tej npawg neeg coob ntawm peb cov neeg hauv cov zej zos yuav pab ua rau muaj peev xwm qhib cov tsev kawm ntawv qhia ntawv tim ntsej tim muag tau.

---

<sup>4</sup> <https://www.cdc.gov/coronavirus/2019-ncov/need-extra-precautions/older-adults.html>



**Kwv Yees Txog Feem Pua Muaj Tus Kab Mob Khaus Viv-19 (COVID-19) tshwm sim rau hauv Lwm Cov Teb Chaw rau Thaum Lawv Rov Qab Qhib Cov Tsev Kawm Ntawv**

<b>Teb Chaws</b>	<b>Hnub Tim</b>	<b>Cov kis kab mob tshiab toj 100,000 toj HNUB</b>	<b>Cov kis kab mob tshiab toj 100,000 toj 7 hnub</b>
Denmark	4/15/20	2.6	18.2
Yias Lab Mas	4/29/20	1.3	9.1
Netherlands	5/11/20	1.5	10.5
Fab Kis	5/11/20	0.9	6.3
New Zealand	5/15/20	<0.1	<0.7
Australia	5/11/20	<0.1	<0.7
Oregon*	5/25/20	0.8	5.6
Oregon*	7/20/20	6.9	48.3

\*Cov ntaub ntawv hauv Oregon raug muab suav sau txhawm rau tau muab siv sib piv.

**Kev Sib Piv Rau Hauv Oregon**

Feem pua kis Tus Kab Mob Khaus Viv-19 (COVID-19) muaj tsawg qis dua me ntsis ntawm feem pua sib kis tus kab mob thooob plaws hauv lub xeev Oregon rau tam sim no, tab sis lawv tseem ua tsis tau. Thaum Lub Peb Hlis Ntuj thiab Plaub Hlis Ntuj, feem puas cov neeg tshiab sib tus kab mob hauv Oregon yeej siab heev, tab sis los txog rau lub Tsib Hlis Ntuj, kev sib kis tus kab mob tau poob qis los tsawg dua 1 tug kis kab mob tshiab toj 100,000 leej rau hauv lub sij hawm 7 hnub), nws tsawg dua ntau lub teb chaws uas rov qab qhib tsev kawm ntawv tau nyab xeeb thiab tsis muaj teeb meem dab tsi lawm.

**Yuav Mus Rau Yav Tom Ntej**

Tam sim no feem pua cov neeg tshiab kis kab mob thooob plaws rau hauv Oregon tseem siab dua lwm lub teb chaw uas lawv rov qab qhib tsev kawm qhia tim ntsej tim muag tau xeeb, yuav tsum muaj cov neeg kis kab mob kom tsawg dua nov mas thiaj li yuav pab txo tsis ua rau muaj kev sib kis Tus Kab Mob Khaus Viv-19 (COVID-19) rau sawv daws rau tim tsev kawm ntawv.

**Yuav ua kom kev rov qab qhib tsev kawm ntawv tau zoo rau hauv Oregon, yuav tsum muaj peb feem tseem ceeb xws li:**

1. Thawj feem yog kev sib kis ntawm tus kab mob yuav tsum nyob rau qeb uas rov qab qhia ntawv tau tim ntsej tim muag tau, nrog rau muaj qee yam kev txwv. Cov tsev kawm ntawv yuav tsum pib npaj hloov kev qhia ntawv kiag thaum muaj kev sib kis kab mob tsawg zuj zus rau hauv cov nroog lawm txhawm rau npaj hloov pauv kev qhia ntawv rau hauv zej zos yog ua tau.



2. Feem thib ob yog yuav tsum saib raws li Tus Kab Mob Khaus Viv-19 (COVID-19) tshwm sim tuaj ntxiv rau hauv lub zej zos uas pom tau tias yuav tsum tau rov qab npaj hloov mus kawm ncuab deb.
3. Feem thib peb yog pom tau tias tus kab mob sib kis hauv lub zej zos muaj ntau uas yuav tsum tau pib rov qab mus Kawm Ntawv Ncuab Deb nrog rau muaj kev txwv qee yam.

Lwm cov ntaub ntawv hais txog kev sib kis ntawm tus kab mob thiab kev kho Tus Kab Mob Khaus Viv-19 (COVID-19) kom tau zoo, tej teeb meem ntawm peb feem kev ntsuas hais los yuav tsum muaj kev hloov pauv. Tej kev ntsuas no yuav raug tshuaj ntsuas dua ntxiv thiab raug lees paub dua ntxiv los sis raug hloov dua tshiab, rau thaum tib lub sij hawm uas Cov Tsev Kawm Ntawv Npaj Txhij, muaj cov lus qhia Txog Kev Nyab Xeeb Rau Cov Neeg Kawm Ntawv.

### **Kev Rov Qab Qhib Qhia Ntawv Tim Ntsej Tim Muag Rau Ntawm Tej Chaw Kawm los sis Qhia Ntawv Sib Txuam Ua Ob Hom Kawm**

Lwm cov ntaub ntawv hais txog kev sib kis ntawm tus kab mob thiab kev kho Tus Kab Mob Khaus Viv-19 (COVID-19) kom tau zoo raws li tau kaw paub, tej teeb meem ntawm peb feem kev ntsuas hais los yuav tsum muaj kev hloov pauv. Tej kev ntsuas no kuj yuav raug tshuaj ntsuas dua ntxiv thiab raug lees paub dua ntxiv los sis raug hloov dua tshiab, rau thaum tib lub sij hawm uas Cov Tsev Kawm Ntawv Npaj Txhij, muaj cov lus qhia Txog Kev Nyab Xeeb Rau Cov Neeg Kawm Ntawv.

Xav kom ib lub tsev kawm ntawv rov qab los qhib qhia ntawv tim ntsej tim muag tau raws li cov qauv qhia ntawv sib txuam los sis cov qauv qhia ntawv Rau Ntawm Chaw los ntawm Xeev Oregon Lub Thawj Fab Saib Xyuas Hauj Lwm Txog Kev Kawm Ntawv (Oregon Department of Education, ODE), lub zos thiab lub xeev yuav tsum ua kom tau raws li cov qauv kev qhia ntawv:

#### **Cov Qauv Ntsuas**

- Rau koog tsev kawm ntawv uas muaj cov me nyuam kawm ntawv los sis cov neeg ua hauj lwm tuaj ntawm ntau lub nroog, yuav tsum tau txiav txim txog feem pua kev kis mob thiab kev kuaj ntsuas pom muaj mob rau ntawm cov nroog ntawd.
- Cov tsev kawm ntawv yuav tsum nyob rau hauv lub nroog uas tsis siv tej kev cai txwv lawm thiaj li raug txiav txim cia pub qhia ntawv tim ntsej tim muag.

*Cov Qauv Ntsuas Hauv Lub Nroog - cov qauv ntsuas no yuav tsum raug raws li peb lub lim piam sib puab ua ke:*

- » Feem pua kis kab mob:  $\leq 10$  leej toj 100,000 leej neeg rau hauv lub sij hawm 7 hnuv\*



» Kev ntsuas pom muaj kab mob:  $\leq 5\%$  rau hauv 7 hnuv ua ntej dhau los

- thiab -

*Tus Qauv Ntsuas Hauv Xeev - tus qauv ntsuas yuav tsum tau raws li peb lub lim piam ua ke*

» Kev ntsuas pom muaj kab mob:  $\leq 5\%$  rau hauv 7 hnuv ua ntej dhau los

### Cov Kev Zam

Cov kev zam no yuav tsum raug npaj ua raws li txheej txheem:

- Tsis pom muaj Tus Kab Mob Khaus Viv-19 (COVID-19) sib kis rau cov neeg tim tsev kawm ntawv;
- Feem puas sib kis kab mob hauv nroog yog  $< 30$  leej toj 100,000 leej neeg rau hauv lub sij hawm 7 hnuv ua ntej dhau los ntev txog peb lub lim piam;
- Kev kuaj ntsuas pom muaj kab mob rau hauv lub nroog tsawg dua  $\leq 5\%$  rau hauv lub sij hawm 7 hnuv ua ntej dhau los ntev txog peb lub lim piam; thiab
- Cov tsev kawm ntawv ua tau raws li tshooj 1-3 ntawm Kev Npaj Txhij Rau Cov Tsev Kawm Ntawv, cov lus qhia kom Muaj Kev Nyab Xeeb Rau Cov Neeg Kawm Ntawv.

*Cov Kev Zam:*

1. Kev npaj qhia ntawv tim ntsej tim muag rau cov me nyuam kawm ntawv me nyuam yaus mus txog rau qeb kawm peb. Xav kom cov tsev kawm ntawv mus kev qhia ntawv rau hauv chav kawm rau cov me nyuam kawm ntawv qeb K-3 yog ua tau. Cov me nyuam kawm ntawv me yuav kis tus kab mob vais lav tau tsawg dua, muaj mob tsawg dua thaum lawv kis Tus Kab Mob Khaus Viv-19 (COVID-19) thiab zoo li yeej pom muaj kev sib kis tus kab mob vais no tsawg rau dua rau cov me nyuam yaus loj los sis cov neeg loj. Cov me nyuam kawm ntawv me kuj yuav tsum tau txais kev kawm ntawv tim ntsej tim muag thiaj li yuav pab ua rau paub ntaub ntawv thiab muaj tej txuj ci paub zauv zoo rau lawv txoj kev kawm txuas mus ntxiv.
2. Cov koog tsev kawm ntawv nyob ib qho chaw thiab deb nroog uas muaj cov me nyuam kawm ntawv tsawg dua  $\leq 100$  leej, thiab cov tsev kawm ntawv ntiag tug nyob rau ib qho chaw los sis deb nroog uas muaj cov me nyuam kawm ntawv tsawg dua  $\leq 100$  leej
  - a. Lub tsev kawm ntawv ntiag tug los sis yog tsoom fwv li uas nyob rau ib qho chaw yog yuav tsum nyob deb dua 8 mais kev ntawm ib lub tsev kawm ntawv uas muab kev qhia ntawv tib qeb kawm ib yam nkaus. Qhov no yog saib raws li cov ntsiab lus raug siv rau hauv [ORS 327.077](https://www.ors.gov/327077).
  - b. Tsev kawm ntawv nyob rau ib qho chaw nrug deb raug siv raws li cov qhauj "Locale" ntawm National Center for Education Statistics. Tej ntaub



ntawv muaj raws li Xeev Oregon Lub Thawj Fab Saib Xyuas Hauj Lwm Txog Kev Kawm Ntawv (Oregon Department of Education, ODE).

3. Raws li Xeev Oregon Lub Thawj Fab Saib Xyuas Hauj Lwm Txog Kev Kawm Ntawv (Oregon Department of Education, ODE) cov lus qhia Kev Kawm Ncuas Deb, kev npaj *qhia ntawv qee yam* rau ntawm txhawm rau kom muab kev qhia ntawv tau raws li siab xav ntawm pawg me nyuam kawm ntawv, cov qauv qhia ntawv, kev qhia ntawv, thiab/los sis tej tshuaj ntsuam xyuas kev kawm. Qhov no muaj xws li hais los no tab sis kuj tsis yog tas li no xwb xws li, muab kev pab txhawb rau cov me nyuam kawm uas tsis taus, thiab tej kev pab qhia ua hauj lwm (CTE) uas yuav tau nqis tes ua kiag thiab npaj kev tshuaj ntsuam xyuas kom muaj kev nyab xeeb.

### **Kev Npaj Hloov Pauv**

Txhua lub tsev kawm ntawv yuav tsum tau npaj cov kev npaj hloov pauv kom cov qauv qhia ntawv zoo rau ntawm zeeg sij hawm qhia ntawv. Cov kev npaj ua no yuav tsum muaj kev txhim kho kev paub qhia ntawv ntawm cov kws qhia ntawv, tej kev sib txuas lus nrog cov me nyuam kawm ntawv thiab cov tev neeg, thiab muaj lub sij hawm rau cov kws qhia ntawv thiab tsev neeg los xav npaj kom txaus rau kev qhia ntawv raws li hom qhia ntawv tshiab no.

### **Kev Npaj Rau Kev Kawm Ncuas Deb**

Rau cov tsev kawm ntawv uas tau muab kev qhia ntawv tim ntsej tim muag, yog muaj ib ntawm cov qauv ntsuas no raug raws li txoj cai ntev dua ib lub lim piam ua ke, yuav sum muaj *kev npaj* rau Kev Kawm Ncuas Deb, suav nrog kev cob qhia rau txhua tus kws qhia ntawv thiab yuav muab kev sib txuas lus rau cov neeg sawv daws tim tsev kawm ntawv.

*Cov Qauv Ntsuas Hauv Lub Nroog:*

- » Feem pua kis kab mob:  $\geq 20$  leej toj 100,000 leej neeg rau hauv lub sij hawm 7 hnuv\*
- » Kev ntsuas pom muaj kab mob:  $\geq 7.5\%$  rau hauv 7 hnuv ua ntej dhau los

### **Kev Pib Kawm Ntawv Ncuas Deb**

Rau cov tsev kawm ntawv uas yeej muab kev qhia ntawv tim ntsej tim muag, yog ua tau raws li ib los sis ntau cov qauv ntsuas nram qab no rau hauv lub sij hawm ntev dua ib lub lim piam ua ke lawm, ces yuav tsum tau pib muab kev Kawm Ntawv Ncuas Deb.

*Cov Qauv Ntsuas Hauv Lub Nroog:*

- » Feem pua kis kab mob:  $\geq 30$  leej toj 100,000 leej neeg rau hauv lub sij hawm 7 hnuv\*
- » Kev ntsuas pom muaj kab mob:  $\geq 10\%$  rau hauv 7 hnuv ua ntej dhau los



\* Tus qauv ntsuas no tej zaum yuav raug zam rau ntawm tej chaw ceev thiab tej chaw kaw neeg thiab lwm cov chaw uas tsis muaj feem ntsig txog rau kev sib kis tus kab mob hauv lub zej zos. Rov qab qee, kev txiav txim siab rov qab qhib kev qhia ntawv tim ntsej tim muag rau cov hluas rau ntawm lub chaw ceev thiab lub chaw kaw cov hluas yuav tsum saib raws li kev sib kis ntawm Tus Kab Mob Khaus Viv-19 (COVID-19) rau ntawm lub chaw ceev los sis lub chaw kaw neeg ntawd.

**Kev Muaj Peev Xwm Nkag Cuag Tau Rau Daim Ntaub Ntawv:** Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Mavel Morales ntawm 1-844-882-7889, 711 TTY los sis [OHA.ADAModifications@dhsaha.state.or.us](mailto:OHA.ADAModifications@dhsaha.state.or.us).